



Timor-Leste iha ai-han oin-oin, tanba sá ai-han barak kontinua mai husi rai li'ur? Liu-liu foos, ai-fuan, fehuk, liis, modo tahan, ikan no na'an no produtu sira seluk tan. Tanba ita nian produsaun seidauk nato'on atu responde ba comunidade nia konsumu loron-loron.



A child's drawing of a landscape. At the top, two simple mountain peaks are drawn with black outlines. In the center, a bright yellow sun with several straight lines radiating from it is positioned. To the left of the sun is a green, bushy tree with a brown trunk. To the right of the sun is a tree with green leaves and a cluster of yellow fruit hanging from a branch. Below the sun and trees, a small, dark, vertical shape, possibly a person or a structure, is visible. The entire drawing is enclosed in a black rectangular border. The word 'RAI' is written in large, bold, black letters at the bottom left of the drawing.



1



Tinan barak ona TL atinje soberania polítika nasionál



Maibé TL kontinua importa ai-han husi rai li'ur



Tanba sei iha osan husi Fundu Petrolíferu

Bainhira osan husi Fundu Petrolíferu hotu, oinsá atu kontinua importa foos no ai-han mai ita nian rain?


Liu ona tinan 20, Estadu RDTL gasta ona osan biliaun \$22, maibé seidak hametin agrikultura, infraestrutura iha baze no ekonomia iha rai laran. TL seidak maximiza didi'ak rai potenciál sira atu hasa'e produsaun ai-han, tantu hare, batar no produktu lokál sira seluk hodi reforsa ekonomia ne'ebé resiliente, sustentável no inkluzivu.

TL konsege konstrui estrada boot no ki'ik sira husi Dili ba to'o iha munisipiu sira, maibé estrada iha suku no aldeia sira seidak hadi'ak. Governu konsege fó ona enerjia eletrisidade ba suku hotu inklui fasilita rede komunikasaun di'ak ba territóriu laran tomak inklui mós harii ona infraestrutura fíziku barak hanesan klínika, eskola no seluk tan, maibé produsaun ai-han no ekonomia rai laran kontinua hakdasak durante tinan 20 ona.



Estrada husi Dili to'o munisipiu di'ak, no eletrisidade la'o 24 oras

Maibé



Tanba sá produsaun ai-han no ekonomia kontinua hakdasak?

TL agora iha de'it osan hosi Fundu Petrolíferu hamutuk biliaun \$18. Oinsá estadu uza no jere ho didi'ak atu haforsa no hametin TL nia setór importante sira hanesan agrikultura, peska, pekuária, turizmu, indústriá ki'ik prosesamentu no indústriá manufactureiru médiu sira, estrada rurál, bee mós, merkadu, facilidade báziku sira, ekonomia kreativu sira no seluk tan nu'udar fonte rendimentu alternativu ba estadu bainhira Fundu Petrolíferu remata. Setór sosiál importante mak **Edukasaun** atu hametin rekursu umanu, setór **Saúde** ne'ebé bele hadi'ak problema malnutrisaun no saúde públiku iha rai laran. Tanba atu diversifika ekonomia no hametin liután TL ba futuru naruk, depende ba ema nia saúde no matenek, atu kontinua dezenvolve nasaun ba oin.

Tanba Sá Tenke Hametin Soberania Ai-Han?


Soberania ai-han mak direitu povu ba ai-han ne'ebé saudavel no tuir ema nia kultura, no mai husi métodu produsaun ho dalan ne'ebé sustentável no di'ak ba meu ambiente, no povu iha direitu hodi decide sira nia sistema agrikultura no ai-han rasik. Soberania ai-han tau aspirasaun no nesesidade ba sira ne'ebé prodús, distribui, no konsumu ai-han ba iha sistema no polítika ai-han duke nesesidade ba demanda. Ne'e mak nudár dalan ida atu la depende ba ai-han importadu. Pratika agrikultura iha Timor-Leste antes kolonializmu, mak pratika soberania ai-han, tanba area produsaun ki'ik, kuda variedade ai-han oin-oin iha toos ida, konsumu ai-han oin-oin tuir tempu udan maioria konsumu batar, hare, lakeru, fore no tempu bailoro, konsumu modo, ai-fuan, hare, batar no produktu ne'ebé ita prodús Se ita prodús ai-han rasik, konsumu ai-han fresku no saudável.



Tanba sá Tenke Promove Setór Agrikultura?

Tanba maioria populaçaun hela iha area rural, sira nia vida moris depende ba atividade agrikultura eskalaun ki'ik (kuda ai-han oin-oin iha toos ida), hakiak animal nudár rendimentu família, atividade peska no artesanatu ki'ik sira ne'ebé reziliente liu ho mudansa klima ohin loron. Hametin no dezenvolve didi'ak setór agrikultura no sub-setór sira, nu'udar resposta sustentável ba in-segurança ai-han, mal-nutrisaun, kiak, desempregu no dependência ba importasaun inklui problema sosiál seluk.

Agrikultura ho sub-setór sira, alende de prodús ai-han, hodi fó moris ba ema iha Timor-Leste, bainhira se dezenvolve didi'ak, sei sai nu'udar setór ne'ebé dinámika atu hamosu indústria ki'ik, médiu no manufatureira iha TL, hamoris setór privadu, fornese kampu servisu ba joven sira, no hametin Soberania Ekonomia nasaun nian.



Rua Felicidade (Rua Cardoso Dias),
Gricenfor, Bairro Central, Dili, Timor-Leste

[Tel:+670-3321040](tel:+670-3321040)

[Tel:+670-77234330](tel:+670-77234330)

Vizita Ami nian:

Website: <https://www.laohamutuk.org/>.

Blog: <https://laohamutuk.blogspot.com/>

Surat Popular: <https://www.laohamutuk.org/surat.html>